

## مقال

## الصلاة على الراقدين

وقت انتقال أحبائنا بيكون فراقهم صعب ... لكن أحد الحاجات اللي دائماً تعزينا هي إننا نذكرهم في صلواتنا الخاصة و كمان الكنيسة تذكرهم على طول ... تعالوا نشوف إزاي

ترتيب الصفحة

## مرجعية الصلاة على الراقدين

من الكتاب المقدس بعهديه



## فوائد الصلاة على الراقدين

ليه الكنيسة بتعمل كده



## طقس صلاة التجنيز

و القراءات حسب المتنح



## صلاة الثالث

رمزها و طقسها



## ملاحظات

بعض الملاحظات و الاستثناءات



الصلاة على الراقدين

## # 1: مرجعية الصلاة على الراقدين

- في العهد القديم , كان اليهود (خصوصاً العائلة) يصلّون على الأموات (بداية من إبراهيم و إسحق)

○ و من بعد النزول لمصر نلاقي الموضوع أصبح على نطاق أوسع (زي دفن يعقوب في تكوين 50 أو دفن صموئيل في صموئيل الأول 25)

ومات صموئيل، فاجتمع جميع إسرائيل وندبوه ودفنوه في بيته في الرامة

— صموئيل الأول 25 : 1

○ و إكرام الموتى حاجة لها تقدير عند ربنا زي ما نسمع عن **أهل يابيش جلعاد** اللي دفنوا شاول و لأولاده، داود قال لهم:

مباركون أنتم من الرب، إذ قد فعلتم هذا المعروف بسيدكم شاول فدفنتموه.  
والآن ليصنع الرب معكم إحساناً وحقاً

— صموئيل الثاني 2 : 5 و 6

○ و نسمع عن **طوبيا** الرجل التقي إنه بيكرم الموتى ودفنهم

● في **العهد الجديد** حصل نفس الكلام خصوصاً طبعاً دفن السيد المسيح عن طريق يوسف و نيقوديموس اللذين احتفلا بدفن ربنا بتسبيح و ألحان

● و استمر التقليد ده في **الكنيسة** اللي بتفتكر المتنيحين في **أوشية الراقدین** و **المجمع والترجيم** في القداس

## # 2: فوائد الصلاة على الراقدین

● الموتى (حسب كتابات آباء الكنيسة) ينتفعون بصلواتنا و طلبنا الرحمة لهم ... الكنيسة تطلب الرحمة للراقدین

يجب أن نعين المنتقل بصلواتنا

— القديس يوحنا ذهبي الفم

تفضل يا ربّ نوح نفوسهم جميعاً في حزن آباءنا القديسين، إبراهيم و اسحق و يعقوب.  
 علّمهم في موضع خضرة علي ماء الراحة في فردوس النعيم. الموضع الذي هرب منه  
 الحزن والكآبة والتنهّد في نور قديسيك. أقم أجسادهم في اليوم الذي رسمته  
 كمواعيدك الحقيقية غير الكاذبة

— أوشية الراقدين

- تعزية الحزاني من أهل وأقارب المنتقل
- تذكيرنا بأحبائنا الذين سبقوا

## # 3: طقس صلاة التجنيز

الصلاة بتكون بالطريقة الحزائني في الأيام السنوي، و بالطريقة العادية في الآحاد السنوي و  
 الخمسين المقدسة و الأعياد

- يدخل الجثمان الكنيسة و يقول الشعب لحن حسب اليوم:
  - في الأيام السنوي: آري باميفئي
  - في الآحاد السنوي: مرد الإنجيل السنوي
  - في الخمسين المقدسة: اخريستوس انيستي
- بعد كده صلاة الشكر (فيها رُبع ناقوس واحد قبل الختام): نيك ناي أو بانوتي
 

مراحمك يا إلهي غير محصاة و كثيرة جداً هي رأفاتك

— ربع الناقوس الخاص بالتجنيز

- بعد كده المزمور ال50 (ارحمني يا الله كعظيم رحمتك)

- بعد كده 3 قطع من المزامير حسب المتنح
- بعد كده 3 البولس و ممكن يُقال قبله لحن اثنى تي اناسطاسيس
- بعد كده أجوس الحزائني (ال3 أرباع أو استافروتيس)
- بعد كده أوشية الإنجيل و الإنجيل بالطريقة الحزائني (أسبوع الآلام) و بينهم (كي إبيرتو)
- بعد كده ال3 أوأشي الصغار و قانون الإيمان
- بعد كده أوشية الراقدين و لو فيه عظة
- بعد كده الختام

القراءات حسب المتنح

المتنح	قطع المزامير	البولس	المزمور	الإنجيل	المعنى
رجل كبير	(1) مزمو 139: أين أذهب من روحك؟ ... (2) مزمو 119: تحيا نفسي و تباركك و أحكامك تعينني ... (3) مزمو 116: أحببت لأن الرب يسمع صوتي، تضرعاتي ...	كورنثوس الأولى 15: 1 ل 23 عن قيامة المسيح	مزمور 65 4: طوبى للذي تختاره وتقربه ليسكن في ديارك ...	يوحنا 5 19 ل 29 عن القيامة و يوم الدينونة	ربنا حوّل الموت إلى رقاد بفضاء لنا ... و بعد الموت قيامة و حياة أبدية

المتنيح	قطع المزامير	البولس	المزمور	الإنجيل	المعنى
سيدة كبيرة	(1) مزمو 103 : باركي يا نفسي الرب ... (2) مزمو 115 : سماوات السموات للرب، و الأرض أعطاها لبني البشر ... (3) مزمو 119 : تاقت نفسي إلى خلاصك و على كلامك توكلت ...	كورنثوس الأولى : 15 39 ل 50 عن مجد القيامة و يوم الدينونة	مزمو 116 : 7 و 8 ارجعي يا نفسى إلى موضع راحتك ...	متى 6 : 26 ل 13 ساقبة الطيب	أي سيدة عملت خدمة في حياتها سكبت طيب مقبول و غالي جداً عند السيد المسيح
ولد صغير	(1) مزمو 27 : ... أبي وأمي قد تركاني والرب يضمني ... (2) مزمو 65 : طوبى للذي تختاره وتقرّبه ليسكن في ديارك ... (3) مزمو 116 : يا رب نج نفسي. رؤوف هو الرب و بار و إلهنا يرحم ...	تسالونيكى الأولى : 4 13 ل 18 عن التعزية و الرجاء رغم فراق الراقدین	مزمو 27 , 116 ... حافظ الأطفال هو الرب ...	لوقا 7 : 11 ل 16 إقامة ابن أرملة نايين	تعزية لأهل الولد إن حتى لو هم سابقه، ربنا يبعضه

المتنيح	قطع المزامير	البولس	المزمور	الإنجيل	المعنى
بنت صغيرة	(1) مزمو 34: هلمّ أيها الأبناء و اسمعوني لأعلمكم مخافة الرب ... (2) مزمو 62: أليس لله تخضع نفسي؟ ... (3) مزمو 89: اذكر يا رب أي شيء هو قدامي ... (4) مزمو 119: يدك صنعتاني و جبلتاني ...	كورنثوس الأولى 15 : 50 ل 58 عن مجد القيامة و يوم الدينونة	مزمو 39 : 12 و 13 ... لأني غريب عن الأرض و نزيل مثل سائر آبائي ...	متى 9 : 18 ل 36 إقامة ابنة يابرس	ربنا حنين جداً و له حكمة في اختيار وقت الحياة و وقت الموت

## # 4: صلاة الثالث

اليوم الثالث من الموت يفكرنا بأحد القيامة ... و صلاة الثالث هدفها صرف أي روح للحنن عند أهل المتنيح

- يرتب أهل المتنيح حاجات قبل الصلاة (عادة بتكون بعد القداس و بتعمل في البيت أو قاعة الكنيسة):
  - مائدة عليها **خبز** إشارة للسيد المسيح خبز الحياة و كمان عشان لو حد ماكلش من أهل المتنيح يرجع ياكل عادي تاني
  - معاها إناء فيه **ملح** يشير لعدم الفساد (المتنيح انتقل لكن روحه لم تمّت)
  - و دورق فيه **مياه** إشارة للحياة
  - و **3 شمعات مضيئة** إشارة لنور القيامة في اليوم الثالث

○ و **خضرة** إشارة للحياة و الراحة زي ما قال داود النبي (في مراغ خضر يربضني . إلى مياه الراحة يوردني)

● طقس الصلاة:

- يبدأ الكاهن **بصلاة الشكر و بعدين المزمور ال50**
- بعد كده **قِطْع من المزامير 69** (خلصني يا الله، لأن المياه قد دخلت إلى نفسي) و 119
- و بعد كده **البولس من رومية 5** (عن محبة ربنا لنا و الفداء و الخلاص و القيامة)
- بعد كده **أجيوس و أوشية الإنجيل**
- بعد كده **المزمور** : رفضوني أنا الحبيب (مزمور 38) و **الإنجيل** : عن إقامة لعازر (يوحنا 11)
- بعد كده **ال 3 أواشي و قانون الإيمان و أوشية الراقدين**
- بعد كده **صلاة من أجل نياحة المنتقل و تعزية أحبائه** ثم الختام (التحليل و البركة)

## # 5: ملاحظات

- فيه حالات الكنيسة ممكن تمتنع فيها عن صلاة التجنيز (لو متأكدة إن اللي مات كان في خطية موجبة للموت) ... لأن ساعتها الصلاة مش هتنفع معه زي ما قال القديس يوحنا الحبيب

توجد خطية للموت. ليس لأجل هذه أقول أن يُطلب

— يوحنا الأولى 5 : 16

طبعاً كلنا نخطئ لكن فيه خطاياغير موجبة للموت و الكنيسة تدينا تحليل لهما نتوب عنها (زي ما بنطلب من ربنا في **لحن جَلّ و اغفر** و فيه خطايا الإنسان بيكمل فيها ولا يقدم عنها توبة (موجبة للموت) ... و في العموم الكنيسة تصلي بالمغفرة لكل الراقدين في أوشية الراقدين و تترك الأمر لله

- في أسبوع الآلام الصلاة بتكون زي صلاة البصخة العادية ... يُقال بس نبوة زيادة + المزمور و الإنجيل بتوع التجنيز (بلحن البصخة)

[المراجع](#)

- كتاب (كنيستي الأرثوذكسية، ما أجملك!) - الفصل العاشر
- تطبيق (Coptic Reader)